

國朝先正事略

國事

蘇工業學院圖書藏
田略

先正

國朝先正事略序

李習之嘗歎魏晉以後文字黷昧雖有殊功偉德非常之蹟亦開鬱而不章而昌黎韓子則嘗欲作唐一經垂之於無窮誅奸諛於既死發潛德之幽光論者謂其書若成常不在龍門扶風下惜乎其未就也宋朱子撰言行錄取並世名臣事蹟件系而條綴之爲後世法文雖不迨昌黎而扶翼世教厥功赫矣嗣是杜大珪有名臣碑傳錄蘇天爵有元名臣事略徐鉉有明名臣琬琰錄項篤壽有今獻備遺皆祖述朱子之意以成書者也我國家列聖相承重熙累洽炳焉與三代同風二百餘年名卿鉅儒鴻鴻達魁磊之士應運而起者不可殫數其訏謨政績具在國史類非草野之士所能窺而其遺聞佚事嘉言懿行往往散見於諸家文集中特未有薈萃成書以備掌故而爲徵文考獻之助者耳元度山居多暇徧閱本朝人文集遇偉人事跡輒手錄之積久成先正事略六十卷分名臣名儒經學文苑遺逸循良孝義七門人爲一傳計五百人附見者六百有八人亦當世得失之林也每空山月上一鐙熒然披吟斗室中如與諸鉅公才人節士聯襟倚裝親承其警歎而上下其議論也如臨泰華嵩衡黃河瀚海之高深莫測其顛委也如羅列商彝周鼎天球宏璧古光出几案莫敢逼視也昔歸震川自恨足跡不出里閭所見無奇節偉行以發摭其文章之氣今元度放廢歸田得網羅散失以成此編可謂極尙友之樂矣稟甫脫適奉于役黔東之命以兩年心力所萃不忍敝帚棄之也爰付諸剞劂氏客有議其去取失當且忽促成書慮挂一而累萬者應之曰是固然然以朱子之賢手訂言行錄如進王荆公黜劉忠定之類呂東萊汪玉山皆不謂然卽朱子亦自謂尙多謬誤况下此乎太史公作列傳二千年中僅七十篇循吏儒林則皆止數人耳未有議其疏漏者也惟是本朝治跡磊磊軒天地遠邁唐宋元明世苟有昌黎習之考亭其人者出其文章以潤色鴻業斯不負千載一時之盛若蒙者所述雖皆奇節偉行文不足以張之終爲震川所竊笑耳抑又聞蘇文定公曰古之君子不用於世必寄於物以自遣然則是編亦寄焉耳矣何庸深校其得失哉客旣退遂筆之簡端用以就正海內君子焉同治五年三月

既望平江李元度自序

國朝先正事略序

余嘗以 大清達人傑士超越古初而紀述闕如用爲歎憾道光之末聞嘉興錢衍石給事儀吉仿明焦茲獻徵錄爲 國朝徵獻錄因屬給事從子應薄寫其目錄得將相大臣循良忠節儒林文苑等凡八百餘人積二三百卷借名人之碑傳存名人之事蹟自別京師久從征役而此目錄冊者不可復覩同治初又得鄧陵蘇源生文集具述其師錢給事於徵獻錄之外復節錄名臣爲先正事略於是知錢氏頗有造述不僅鈔纂諸家之文矣又二年而得吾鄉李元度次青所著先正事略命名乃適與錢氏相合前此二百餘年未有成書近三十年中錢氏編摩於汴水次青成業於湖湘斯足徵通儒意趣之同抑地下達人傑士其靈爽不可終闕也自古英哲非常之君往往得人鼎盛若漢之武帝唐之文皇宋之仁宗元之世祖其時皆異材勃起俊彥雲屯焜耀簡編然考其流風所被率不過數十年而止惟周之文王暨我 聖祖仁皇帝乃閱數百載而風流未泯周自后稷十五世集大成於文王而成康以洎東周多士濟濟皆若秉文王之德我 朝 六祖 一宗集大成於康熙而雍乾以後英賢輩出皆若沐 聖祖之教此在愚氓亦似知之其所以然者雖大智莫能名也 聖祖嘗自言年十七八時讀書

過勞至於咯血而不肯少休老耄而手不釋卷臨摹名家手卷多至萬餘寫寺廟扁榜多至千餘蓋雖寒峻不能方其專北征度漠南巡治河雖卒役不能踰其勞祈雨禱疾步行天壇并醢醬齋鹽而不御年逾六十猶扶病而力行之凡前聖所稱至德純行殆無一而不備上而天象地輿歷算音樂考禮行師刑律農政下至射御醫藥奇門壬遁滿蒙西域外洋之文書字母殆無一而不通且無一不創立新法別啓津途後來高才絕藝終莫能出其範圍然則雍乾嘉道累葉之才雖謂皆 聖祖教育而成誰曰不然 今上皇帝嗣位大統中興雖去康熙時益遠

矣而將帥之乘運會立勳名者多出一時章句之儒則亦未始非 聖祖餘澤陶冶於無窮也如次青者蓋亦章句之儒從事戎行咸豐甲寅乙卯之際與國藩患難相依備嘗艱險厥後自領一隊轉戰數年軍每失利輒以公

義糾劾罷職論者或咎國藩執法過當亦頗咎次青在軍偏好文學奪治兵之心力有如莊生所譏挾策而亡羊者久之中外大臣數薦次青緩急可倚國藩亦草疏密陳李元度下筆千言兼人之才臣昔彈劾太嚴至今內疚惟朝廷量予褒省當時雖爲吏議所格

亦於黔南告成

聖祖有言曰學貴初有決定不移之志中有勇猛精進之心末有堅貞永固之力次青提兵

四省屢蹶仍振所謂貞固者非耶發憤著書鴻編立就亦云勇猛矣願益以貞固之道持之尋訪錢氏遺書參訂脩補於鍊歲年愼瘼貶於錙銖酌羣言而取衷終成 聖清鉅典上躋周家雅頌誓誥之林其尤足壯矣哉同治八年

三月曾國藩

國朝先正事略凡例

我朝治隆古

主聖臣賢一時名公鉅卿鴻生碩儒後先輩出立德立功立言皆足傳之不朽惟國

史職在

皇歲草野無從徵考承學之士語及

國家掌故先正典型往往知其名而莫能詳其實良由文獻

所徵無專書以資考證也是編就昭代先正分名臣名儒經學文苑遺逸循良孝義七門采其勳績議論嘉言懿

行各著於篇用以備遺忘而資觀感而

列聖深仁厚澤稽古右文亦隨事可以想見使讀者泃然生忠孝

之心焉

一各事蹟皆采自私家傳誌郡邑志乘開及說部仍正以

國史列傳有合數十篇爲一篇者其開穿穴聯類頗費

匠心用此亦不免稽失之繁律以史法及金石文字例幾可省其半以事實所關密詳毋略密詳毋疏昔全謝山

表章前哲動輒數千言意在使後之秉筆者據爲底本區區之私竊附於此云爾

一敘述當代事蹟與史例不同史無論賢奸但有關繫者皆列之是編仿名臣言行錄例專主揚善故所錄皆粹然

純詣惟附見者其例稍寬

一我朝肇興東土開國佐命之英皆天潢貴胄位列親藩未敢援入先正之列卽翊運動臣之侑饗

太廟

者若信勇公費英東宏毅公額亦都武勳王揚古利等皆立功天命天聰崇德間在

世祖統壹區夏之先

故論入關後宣力文臣以范文肅公爲始武臣以圖昭勳公爲始而信勇公宏毅公武勳王各事蹟又皆詳列於

其子若孫之傳首俾閱者備悉源流

一名臣一門內而關部外而封圻其勢不能徧錄是編所述大約曾祀賢良名宦祠及有殊績異政列入一統志者

然終以囿於見聞不免挂漏爲憾嘗有偉烈鴻名夙所欽慕因未得其事狀無從登入擬撰續編以臻詳備

一滿漢名臣有祖孫父子兄弟羣從並躋九列者略仿史記世家例彙列之以彰喬木世臣之盛

一 本朝名儒約分二派其恪守程朱家法者陸清獻陸桴亭張楊園諸先生也其兼宗陸王而不倍於程朱者孫夏峯湯文正李二曲諸先生也清獻之學洵屬正宗其救正王學末流之功甚大近儒何丹畦續理學正宗唐鏡海著學案小識皆推二陸爲直紹洛閩之統然彭尺木程魚門嘗議清獻攻擊陸王太過未脫講學家習氣宗之者蓋彌甚焉唐氏學案旣擯夏峯不錄復深致鄙夷其亦門戶之見而已矣夫一貫之旨曾子自行入子貢自知入其有得於聖道一也伯夷之清柳下惠之和孟子皆推爲聖未嘗是此而非彼也是編不分門戶淵源所在各以類從其議論之相反而適可以相救者均詳列之以俟後之君子論定焉

一 本朝經學亦分二派其專宗漢學以抵程朱之隙者毛西河惠定宇戴東原諸先生也其義理宗程朱仍博稽漢唐注疏者李安溪方望溪姚姬傳諸先生也自前明中葉士皆敝精力於帖括而根柢之學闕焉 本朝興樸學始輩出顧亭林閻百詩開風氣之先自後鉅儒接踵長洲惠氏高郵王氏嘉定錢氏三世皆以經術鳴漢學於是極盛然江子屏作漢學師承記凡稍近宋學者皆擯之阮文達刻 皇清經解千四百餘卷而安溪望溪之著述一字不收蓋幾於分茅設絕一時風氣所趨遂專以撻殘舉碎爲功詆宋儒爲空疏掊擊不遺餘力抑又過矣夫漢儒之訓詁宋儒之義理相須而行闕一不可其激而互相勝負者皆末流之失也緬惟 列聖作君作師御纂諸經主宋儒之說而兼采漢唐注疏可謂折衷至當矣是編無論漢學宋學家皆詳錄其議論著述凡以屏除戶門之見而已

一 國初文章家以宋牧仲所撰侯魏汪三家稱最其後作者代興無美不備自望溪出而古文之義法特嚴劉海峰姚姬傳繼之遂有桐城派之目然姚氏古文辭類纂於八家及震川後繼錄望溪是矣又專錄海峰一若桐城外舉無足與於斯道者似亦未離門戶之見是編凡卓然成家者皆列之昔吾有先正其言明且清正復不拘一格耳

初詩家推漁洋爲大宗茲蒙愚山秋谷竹垞初白諸家聯鑣接軫前後兩詞科作者林立近人張南山輯詩人徵略採摭甚詳茲就其尤著者登之然疏漏實尙多也

一國初遺老如徐俟齋沈眉生李屢園諸先生蟬蛻鴻冥嶮然不滓孔子所謂逸民幾無愧焉錄之以見天爵自尊百世下猶可廉頑而立懦也至熊魚山方密之諸公事蹟已附見明史故不復登

一循吏必詳著其政事風節使閱者知所效法可以坐言起行

一孝義一門僅就最著者錄之以闡幽光維世教雖所錄無多然一代正史均不過數十人或十數人固無庸見少也

一天文歷算之學亦莫精於本朝蓋由聖祖天寶聰明秘參造化而梅定九陳泗源諸君又足以闡發之遂

成絕詣阮文達作疇人傳采錄至二百餘人茲僅錄定九泗源及薛儀甫王寅旭數君於經學中以見其概如欲觀其全則有疇人傳在

一照史志例尙須立忠義列女二門然忠義之卓著者多已列入名臣中近歲軍興以來死事者衆因未有成書無從采輯至列女不在先正之例故從闕如

一所分門類不過舉重而言如湯文正陸清獻張清恪楊文定沈端恪蔡文勤諸公應入名儒王文肅秦文恭胡文其阮文達諸公應入經學王文簡韓文懿錢文端沈文愷王蘭泉諸公應入文苑惟以官躋九列有勲業可紀故皆列名臣他若梨洲亭林而農亦名儒亦經學愚山剛主亦名儒亦文苑謝山西莊竹汀淵如雅存亦經學亦文苑竹垞姬傳亦文苑亦經學叔子躬菴亦文苑亦遺逸青主茶村亦遺逸亦文苑名雖區分實則無容拘泥況經學本在儒林中尤屬分而不分也

一非史官不應爲人作傳古人有言之者矣歸震川謂古作汝南先賢傳襄陽耆舊傳者皆非蘭臺石室之臣也此

論出而紀事之例始寬而惲子居則謂大傳非文集體昌黎傳陸贄陽城俱不入本集中爰變其名曰遺事述其實仍傳體也是編曰事略亦猶惲氏之意爾

一湯文正徐文定陳恪勤事略中所述時相及當事構陷狀皆本望溪集外文在當時不無忌諱故未入集近始有撥刻之者然彭尺木湯隲二公行狀卽已采之蓋尺木曾見未刻稿耳此外若張清恪等傳皆有所本用此益見我聖祖至聖至明百世後猶令人欽服焉

一公私著述儻挾恩怨於其閒卽其書可燒也是編自信無此弊閱者辨之

一郢書燕說最足失真如袁簡齋所作陳恪勤等傳中多舛誤彭尺木嘗遺書諍之邵青門所作閩典史傳魏默深亦嘗辨之蓋文人習氣多不暇覈實也是編博觀而慎取之不敢沿訛以悞後人

一古人如班之於馬多全襲其辭以後不可毛舉緣事蹟未可憑虛而構非故襲舊文也衛正叔纂禮記集說其言曰他人著書惟恐不出於己某此書惟恐不出於人可謂先得我心矣

一阮文達稱國史儒林傳皆襲各家紀述集句成篇仍分注所出於下彭尺木名臣儒行吏蹟述亦注明所據之本於篇末示非臆造也是編采書較多未暇一一注明所出然實無一字無來歷

一各家著述有可考者均詳列其書目卷數以備志藝文者之接討

一地名官名均據本朝書之不從古稱其詔諭奏劄亦多存其真所謂當時語也至滿洲蒙古姓名與春秋時人同其首一字非姓也故標題處皆先諡後名申之曰姓某某氏而文中則仍俗稱曰某公不復舉其姓以免累贅京江望溪集中皆有此例

一元立行中書省於各路明改爲布政使司國朝因之而猶沿其稱曰省非其實矣洪稚存集中於此蓋斷斷焉是編以公私相沿既久姑仍其稱

一是編經始於甲子正月脫稿於丙寅正月藏書不多采摭未備又以荷戟出山恩促付梓難辭固陋之譏所望海內同志君子時惠郵筒匡其不逮則幸甚

卷一 名臣

范文肅公文程

子忠貞公承謨 承勳
孫時崇 時樞等

昭勳公圖賴

忠義公圖爾格

襄毅公準塔

兄薩穆什哈
弟雅賴

文簡公希福

子帥顏保

忠直公伊爾登

忠襄公陳泰

襄敏公伊爾德

卷二 名臣

敏壯公李國翰

子海爾圖
桑額

襄敏公珠瑪喇

甯文毅公完我

文恪公顏色嘉 襄壯公褚庫
襄壯公根特

文襄公圖海

勤惠公佟養性

善甲 善量 俗忠恪公國瑤 國鼎 國器
國楨 國印 世德 勤修公鳳彩

襄勤公佟圖賴

子忠勇公國綱 端純公國維 孫溫修公補熙 介福等

忠勇公石廷柱

子華善 石琳
孫石文炳 石文晟

敬康公愛星阿

子恭懿公富善

卷三 名臣

文忠公索尼

恪僖公遏必隆

子恪敏公尹德

魏文毅公裔介

魏敏果公象樞

李文勤公霽

杜文端公立德

馮文毅公溥

姚端恪公文然

弟文熊

朱尙書之錫

卷四 名臣

趙清獻公廷臣

李忠襄公率泰

吳文僖公正治

楊侍郎雍正子忠訓孫守知

王文靖公熙

李文襄公之芳

敏果公米思翰子貞讓公馬斯喀勤恪公馬武莊愷公李榮保

忠勇公白爾赫圖蘇克薩哈蘇納海王愷敏公登聯

卷五名臣

襄壯公費揚古

襄毅公賁塔

施清惠公維翰

郝中丞浴楊素繼

湯文正公斌

靳文襄公輔子治豫

文端公伊桑阿

宋文恪公德宜

卷六名臣

王文簡公士禎兄士祿士祐

熊文端公賜履

文端公顧八代孫顧霖

恭勤公瑪爾漢桓僖公馮國相

李文定公天馥

陳文貞公廷敬

徐相國元文

葉文敏公方謨沈文恪公奎高文恪公士奇

卷七名臣

吳文端公璵

張文貞公玉書

于清端公成龍

彭中丞鵬郭琇

張文端公英子廷瓚廷璚

李文貞公光地子鍾倫

清端公傅臘塔

文清公阿蘭泰子文恭公富常安

高忠烈公天爵子其佩 文恪公其位

甘忠果公文焜朱國治 李元興

傅忠毅公宏烈

馬文毅公雄鎮子世濟等

陳忠毅公丹赤葉忠節公映樞

襄壯公莽依圖

恭靖公佛尼勒子忠勇公特楞額

楊清端公宗仁子文乾

卷九 名臣

姚尚書啓聖

宋尚書聲子至

陸清獻公隴其

趙恭毅公申喬弟申李 子熊詒

張文端公鵬翮

徐尚書乾學

文定公徐元夢

文清公格爾古色

卷十 名臣

韓文懿公夔子學基

徐文敬公麐子文燾 吳太

陳清恪公訢子文勤公世甫 從弟文簡公元龍

王文恭公瑣齡弟九齡 鴻緒

劉中丞蔭樞

張清恪公伯行

田文端公從典

黃侍郎叔琳弟叔璫

卷十一 名臣

趙襄忠公良棟子宏傑 宏燮

王忠勇公進寶子用子

孫襄武公思克

梁敏壯公化鳳子龍

楊敏壯公捷

施襄壯公琅子世綸

藍軍門理

許少傅貞

卷十二名臣

陳恪勤公鵬年子樹芝樹著

楊文定公名時

朱文端公軾

陳清端公瑗

勤恪公齊蘇勒

潘襄勇公育龍係紹周從孫之普

殷軍門化行

藍襄毅公廷珍係襄毅公元枝

卷十三名臣

文端公鄂爾泰

張文和公廷玉子若鑑若澄若淑勤恪公著序

文端公福敏

文襄公兆惠

勵文恪公杜訥子文恭公廷儀孫宗萬

史文靖公貽直

沈端恪公近思

蔣文肅公廷錫子文恪公溥

卷十四名臣

岳襄勤公鍾琪弟莊恪公鍾璜子濟

嵇文敏公會筠子文恭公璜

方侍郎苞兄弟

余府丞甸

李侍郎紱孫友棠

蔡文勤公世遠子長懷

張文敏公照

甘莊恪公汝來

卷十五名臣

孫文定公嘉淦

胡文良公熙

子監公季堂

徐中丞士林

謝觀察濟世

楊文敏公超曾

錢文端公陳羣

子汝誠錢載
錢文敏公維城

沈光祿起元

尹侍郎會一

卷十六

名臣

陳文恭公宏謀

曾孫繼昌

文端公尹繼善

子文恪公慶桂

劉文正公統勳

子文清公壻

王文肅公安國

子念孫
孫文勤公引之

汪文端公由敦

子承潯

潘敏惠公思榮

彭尙書啓豐

楊勤愨公錫紱

卷十七

名臣

梁文莊公詩正

子同書

雷副憲鉉

陳文肅公大受

文襄公舒赫德

劉文定公綸

子璫雲

秦文恭公蕙田

蔡文恭公新

曹文恪公秀先

李恭毅公湖
彭文勤公元瑞

卷十八

名臣

文忠公傅恆

子福靈安
福隆安
福長安

文成公阿桂

胡恪靖公寶瑤

方恪敏公觀承

子勤襄公維甸

莊尙書有恭

沈文愨公德潛